



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Stephani Balvzii Miscellaneorum Liber ... Hoc est,
Collectio Veterum monumentorum, quæ hactenus
latuerant in varijs codicibus ac bibliothecis**

Baluze, Etienne

Parisiis, 1679

Callisti II. Papæ epistola ad Berengarium Abbatem monasterij Crassensis
in Septimania.

urn:nbn:de:hbz:466:1-14735

*C A L L I S T I I I. P A P A
epistola ad Berengarium Abbatem monasterij
Crassensis in Septimania.*

Anno 1119.

C Alixtus Episcopus servus servorum Dei dilecti filio Berengario Crassensis monasterij Abbati salutem & apostolicam benedictionem. Et iustitia ratio & rationis ordo nos admonet & compellit Ecclesiarum destitutioni paterna sollicitudine providere, illarum maximè quæ specialiter ad sedem videntur apostolicam pertinere. Siquidem beati Petri & Valerii Ecclesia, quæ sanctæ Romanæ Ecclesiæ iuris est, interiùs exteriùsque attrita & tam in spiritualibus quam etiam in temporalibus plurimùm diminuta est. Eapropter nos eidem loco affectione debita providentes, tibi, dilecte in Christo fili Berengari Abbas, tuisque successoribus sub censu annuo duorum aureorum regendum disponendumque committimus cum omnibus ad ipsum pertinentibus & cum omni libertate atque immunitate quam etiam Dominus prædecessor noster sanctæ memoriæ Paphalis Papa per privilegij sui paginam concessisse dinoscitur, quandiu videlicet vos apostolicæ sedis communionem & gratiam habueritis & in monasterio vestro monastici ordinis disciplina Domino præstante viguerit. Confidimus enim de omnipotentis Dei misericordia & religione vestra quia per industriam vestram locus ille in religionis statum reduci & in temporalibus etiam debeat per Dei gratiam augmentari. Vestra igitur interest & in Romanæ deinceps Ecclesiæ obedientia & servitio devotiùs & enixiùs permanere & de loci ipsius incremento ita sollicitudinem gerere ut largiente Deo hac semper habeamini

habeamini gratia digniores. Si qua sanè persona temerè, quod absit, nostræ huic commissioni obviare tentaverit, honoris & officij sui periculum patiat, aut excommunicationis ultione plectatur, nisi præsumptionem suam digna satisfactione correxerit.

Ego Calixtus catholicæ Ecclesiæ Episcopus.

Ego Iohannes Presbyter Cardinalis de Titulo sancti Grifogoni.

Ego Petrus Diaconus Cardinalis sanctorum Cosmæ & Damiani.

Datum apud sanctum Theodardum per manum Grifogoni sanctæ Romanæ Ecclesiæ Diaconi Cardinalis ac Bibliothecarij x i i i. Kalendas Augusti, Indictione x i i. dominicæ incarnationis anno m c x i x. pontificatus autem Domini Calixti secundi Papæ anno primo.

*EIVSDEM EPISTOLA
ad illustrem feminam Iussolinam & filios
ejus, ejusdem argumenti cum superiore.*

Calixtus Episcopus servus servorum Dei dilectæ filiæ Iussolinæ illustri feminae & filiis ejus Petro Sicardi & Rainardo de Perignano salutem & apostolicam benedictionem. Gratias omnipotenti Deo & nobilitati vestræ referimus quòd beati Petri de Valeriis Ecclesiam, quæ Romanæ Ecclesiæ juris est, tamquam boni patroni & juvistis hæctenus & fovistis. Rogamus autem ut id ipsum deinceps melius per Dei gratiam faciatis. Nos enim destructioni ejusdem loci affectione debita condolentes, eum dilecto filio nostro Berengario Crassensi Abbati & successoribus ejus regendum disponendumque commisimus cum omnibus honoribus & possessionibus suis

Anno 1119.

N